

Pli pauc agid social per uffants ed impedids

■ (anr/grc) A partir da l'emprim da schaner 2005 va il chantun Grischun sia atgna via pertutgant l'agid social. Las directivas naziunalas da la Conferenza svizra per il agid social (Cosas) valan qua mo cun resalvas. A chaschun da la sessiun primavauna dal cussegl grond interpellascha **Christina Bucher-Brini (ps)** a la regenza d'impedir «ch'ì vegnia spargnà sin custs dals pli povers». Quai è vegni communitgà ier a Cuira en occasiun d'ina conferenza da pressa. «Jau sun schoccà», ha fatg a savair il president d'AvenirSocial, **Patrik Degiacomi**. En blers secturs chaschuna la realisaziun da quella revisiun gronds problems. Da las emprimas experientschas fatgas en ils servetschs socials ed en ils posts da cussegliazion resulta che insaquantas gruppas da personas vegnan negligidas massivamain envers autras.

Principalmain educaturAs singulas ed impedids

Tenor emprimas retschertgas da la Pro Infirmis Grischun munta la sminuaziun dals pajaments 29 pertschient tar educaturas singulas, respectivamain 9 pertschient tar famiglias. Tar partenaris senza uffants e personas che vivan sulettas èn in tegnaichasa constatesch'ins perencunter mo minimas sminuaziuns dals pajaments (-2, resp. -1 pertschient).

Era personas malsaunas ed impedidas èn per gronda part exclusas dals avantatgs. Cun ina interpretaziun restrictiva da las directivas da l'Uffizi social chantunal vegn refusà a quellas personas

in supplement, il qual duess segirar lur egalitad.

Las directivas novas duessan porscher impuls tar l'integraziun. Enfin oz han ellas dentant effectua blera frustraziun e resignaziun tar las gruppaziuns pertutgadas. Las collavuraturas ed ils collavuraturals dals servetschs socials che han gia blera lavur enpli causa la cussegliazion da blers clients vegnan suttamess ad ina pressiu supplementara.

Onuraziun da la lavur na per tuts

Grondas discussiuns effectuescha era il fatg che in problem enconuschent è s'augmentà: personas che vegnan sustegnidas da l'agid social èn posiziunadas danovamain meglier envers quellas che vivan minimalmain sur il minimum d'existenza. En intgins cas na rendi betg da desister dal sustegnim social, i dat respectivamain in impuls da far diever da quel.

AvenirSocial Grischun, l'associaziun professiunala da la lavur sociala, interprenda en collavura-

ziun cun **Christina Bucher-Brini (ps)** ina interpellaziun a chaschun da la sessiun primavauna dal cussegl grond. Questa interpellaziun vegn sustegnida da las organizaziuns ed uniuns suandantas: d'AvenirSocial, da Pro Infirmis, da la Conferenza d'impedids, da l'Uniun tetgala da tgira d'uffants, da la Centrala da dunnas, da Caritas sco er da la Crusch cotschna.

Infurmaziuns:

AvenirSocial: Patrik Degiacomi, grau-buenden@avenirsocial.ch, telefon direct: 079 260 58 06

<http://www.avenirsocial.ch/de/p42000213.html>

Pro Infirmis: Pedro Lütscher, pedro.lutscher@proinfirmis.ch, telefon direct: 081 258 43 23

<http://www.proinfirmis.ch/de/kanton-gr>

Uniun tetgala: Katrina Dalbert, dachverband.kibe.gr@freesurf.ch, telefon direct: 081 250 31 43

<http://www.gamma-design.ch/tagesfamilien/dach.html>

Centrala da dunnas: Lea Schneller, lea.schneller@bluwin.ch, telefon: 081 284 80 75

<http://www.frauzentrale.ch/gr/>

Caritas: Sandra Copeland, s.copeland@caritasgr.ch, telefon: 081 258 32 58

<http://www.caritasgr.ch/>

Sperdita en pertschient e francs

Pro Infirmis Grischun è l'organizaziun per personas cun impediments. Pro Infirmis ha fatg ina retschertga tar lur clientella ed ha constata cifras che fan surstar. Ils pajaments èn semidads suandantamain:

Dumber da dossiers valitads: 55

Media da la midada dals pagaments mensils:

Gruppa da clientella

(cun dumber da dossiers)	en %	en francs
Partenaris senza uffants (14)	0	- 8.25
Personas suletas (22)	- 2	- 26.65
Giuvenils da 18 - 25 onns. (3)	- 6	- 99.55
Famiglias cun uffants (11)	- 9	- 301.15
EducaturAs singulas cun uffants (5)	- 29	- 323.70



Patrik Degiacomi (president d'AvenirSocial Grischun), **Katrina Dalbert-Jäger** (madra da l'uniun tetgala da la tgira